

ՀԱՅՐԵՆԱԽՈՍ ԿՎԱԳԸ

Տասնյակ հազարավոր հայեր պանդրխտությունից վերադարձել են մայր հայրենիք, բայց ես ուզում եմ պատմել դրանցից միայն մեկի՝ քսանմեկ տարեկան դաշնակահար Վաչե Հասրաթյանի մասին:

Նա հայրենադարձի առաջին ծիծեռնակն էր, որ իր տասը ընկերների հետ եկավ ավետելու այն տասնյակ ու հարյուրավոր կարավանների մասին, որ անընդմեջ երթով հայրենիք են վերադառնում աշխարհի բոլոր ծայրերից:

Վաչեն ծնվել ու մեծացել է Թեհրանում: Նրա հայրը, որ իր շրջապատում հարգված ու բաջահմուտ բժիշկ է, ցանկանում էր իր միակ որդուն պատշաճ կրթություն տալ: Բայց ի՞նչ լեզվով պիտի սովորեր պատանին, որ կուլտուրայով պիտի սնվեր նրա երազուն հոգին, երբ այն երկիրը, ուր ծնվել է Վաչեն, շունի ոչ մի հայկական դպրոց:

Երաժշտական հիմնավոր ու լիարժեք կրթություն ստանալը նրա մեջ առհասո ծարավ էր դարձել ու միասամանակ անիրականալի բաղձանք, այն պարզ պատճառով, որ Թեհրանում երաժշտական բարձրագույն դպրոց չկար:

Եվ ահա ծարավին հագեցում տալու համար էր, որ պատանի դաշնակահարը երաժշտական զանազան խմբակների հետ շրջում էր Իրանի բոլոր այն քաղաքները, ուր կային հայեր: Նրանց համար տրված հաճեցություններն պատանին անպայման նվագում էր հայ երաժշտագետների դարձերը, նվագում էր սիրով ու խան-

դավառ, հայրենի նվագի սրտահույզ ելևէջները նրա երազուն հոգին խլում, տանում էին դեպի շքնաղ այն աշխարհը, որի մասին նա միայն լսել էր ու երևակայությամբ իր մտքում կերտել նրա պատկերները: Հայրենիքը նա ճանաչում էր միայն գրքերի միջոցով: Հայրենիքը նրա համար հոգեպարար երգ էր, կենսահորդ ու թրթռուն նվագ: Ուշ գիշերներին նրա առաջ ուղիորդներն իր մոտ նա ամբողջովին լսողություն դարձած կլանում էր հայրենիքից եկող մեղեդին ու մտքով ծափահարում Հայկանուշ Դանիելյանին, Պավել Լիսիցյանին ու ամենից շատ Ալեքսանդր Հարությունյանին՝ այն երջանիկ պատանուն, որ հնարավորություն ուներ այնպես անկաշկանդ կերպով հայրենի կամարների տակ հնչեցնելու իր հոգու նվագները...

Առաջին բանը, որ անշափ զարմանք պատճառեց Վաչեին, դա այն հորդարուխ հրճվանքն ու ուրախությունն էր, որով դիմավորեցին նրան՝ նրանի հարյուրավոր երիտասարդներն ու պատանիները:

Նրանք խմբերով շրջապատում էին իրենց նորեկ կուլեգային, ժամերով թափառում Երևանի կանաչագեղ փողոցներում, պարծանքով ցույց տալիս հայրենի քաղաքի հույակապ կուռուցումներն ու պատմում իրենց հույողությունների ու հեռանկարների մասին:

Վաչեն հրճվում էր ու ըստմանում. նա դեռևս չգիտեր, որ այդ երիտասարդ մարդիկ ուրախ են իր՝ Վաչե Հասրաթյանի երջանկության համար:

Նրա համար այդ մեկը անծանոթ ու անբարոնելի հասկացողություն էր:

Այն երկրում, ուր ծնվել էր նա, մարդը մենակ էր իր հրճվանքի ու սոփայտանքի մեջ: Եվ սովետական մարդը կոնկրետ հասկացողություն դարձավ նրա հոգում շնորհիվ այդ երիտասարդ մարդկանց սրտաբաց վերաբերմունքի:

Սովետական այդ մարդկանց մտահոգում էր մի բան—այնպես անել, որ նորեկ պատանին իրեն մենակ չզգա, ընդհակառակը, զգա, որ հարազատ միջավայրում է, իր տանը, իր մեծ ու հզոր բնատանիքի մեջ—Սովետական Հայրենիքում:

Ու երբ սեպտեմբերի մեկին Վաչեն ոտք դրեց Երևանի երաժշտական ուսումնարանի շենքը, նա վաղուց արեւի միջավայրին ծանոթ ու ինքն էլ ճանաչված ուսանող էր:

Դպրոցը նրա համար արտակարգ պայմաններ տալիս էր, նրա երաժշտական կրթությունը նորմալ հունչի մեջ դնելու համար:

Երիտասարդ դաշնակահար Գ. Սարգսը հանձն առավ առանձին դասեր տալ Վաչեին: Ու պատանին հասկացավ, որ իր կրթության գործը այս երկրում միայն իր մասնավոր գործը չէ: Ահա թե ինչով են ուժեղ այս մարդիկ, ահա թե որն է Ալեքսանդր Հարությունյանի հաջողության պատճառը: Ու սովետական կյանքը հորդահոս հեղեղի նման եկավ լցվեց նրա մեջ այնպիսի ուժգնությամբ, որ նա այլևս դժվարանում էր հավատալ, թե ինքը ծնվել ու մեծացել է ուրիշ երկրում, այլ իրավակարգում: Այդպես էլ նա գրեց դեռևս Թեհրանում գտնվող ծնողներին, շտապեց-

նելով նրանց հայրենադարձը: Պատանին ուզում էր օր առաջ իր հրճվանքը կիսել արյունակիցների հետ:

Զէ՛ որ նրանց որդին գտել է իր բաղձանքների հանգրվանը, նա այժմ համարձակ է նայում իր ապագային ու էլ ո՛չ ո՛ք չի կարող խանգարել նրան՝ նվիրվելու հայրենի երաժշտությանը: Էյ ի՞նչն է պահում նրանց սրտը հոգում ու օտար երկնի տակ: Եվ ահա Իրանից եկող առաջին քաղաքներ Կազինի ծնողներին: Որդին նրանց դիմավորեց իբրև տանտեր, իբրև բուն երևանցի:

Ծնողների գալուստը հաջորդեց դարձյալ մի շատ նշանակալից դեպք: Պետական Կոնսերվատորիայի ԼԿՍ կազմակերպությունը Վաչեին ընդունեց կոմերիտմիության շարքերը:

Ահա նա՛ կոմերիտական Վաչե Հասրաթյանը նստած է դաշնամուրի առաջ: Նրա մատները վարժ ու թեթև սահում են ստեղնաշարի վրայով, սենյակը լցվում է հայրենախոս նվագի սրտահույզ ելևէջներով: Վաչեն երազուն հայացքով նայում է դուրս, այնտեղ տարածված է հայրենի Երևանը՝ բաբախուն ու մշտահույզ երդի նման:

Լիիրավ քաղաքացու հայացքով է նայում նա. չէ՛ որ նրա ծոցագրպանում վաղուց արդեն տեղավորված է սովետական քաղաքացու անձնագիրը: Այդ անձնագիրը նրան իրավունք է տալիս մասնակցելու Հայկական ՍՍՌ Գերագույն Սովետի ընտրություններին: Սովետական Հայաստանի երիտասարդ քաղաքացի Վաչե Հասրաթյանը արտակարգ հուզմունքով է սպասում այդ օրվան:

Ա. ԳՐԻԳՈՐՅԱՆ